

PHILLIPS, DANIEL THOMAS (1842 - 1905), gweinidog y Bedyddwyr a chonsul dros U.D.A.

Enw: Daniel Thomas Phillips

Dyddiad geni: 1842

Dyddiad marw: 1905

Rhiant: Thomas Phillips

Rhyw: Gwryw

Galwedigaeth: gweinidog y Bedyddwyr a chonsul dros U.D.A.

Maes gweithgaredd: Crefydd; Gwleidyddiaeth a Mudiadau Gwleidyddol

Awdur: David Williams

Ganwyd yn Tredegar, 19 Rhagfyr 1842, mab Thomas Phillips, gweinidog gyda'r Methodistiaid Calфинаidd. Cafodd ei fedyddio a'i dderbyn yn aelod o eglwys y Bedyddwyr yn y Cwmbach, Aberdâr; yn ddyn ieuanc ymunodd ag eglwys y Bedyddwyr yn y Tabernacl, Caerdydd, pan oedd yn gweithio fel clerig yn swyddfa clerig y dref, Caerdydd. Aeth i Goleg y Bedyddwyr, Hwlfordd, a bu'n gweinidogaethu yn Llanilltyd Fawr, Abertawe, a Bryste cyn ymfudo i U.D.A. Yno bu'n weinidog ar eglwysi yn Philadelphia, Baltimore, a Chicago. Fel y rhan fwyaf o ymfudwyr o Gymru ymlynodd wrth blaid y Gweriniaethwyr a bu'n weithgar iawn dros William McKinley pan oedd hwnnw yn ceisio cael ei ddewis yn arlywydd yn 1896. Oblegid hyn enwodd McKinley ef yn gonsul yng Nghaerdydd lle y dechreuodd yn ei swydd newydd ar 31 Awst 1897. Cymerth ddiddordeb ym mywyd crefyddol y cylch ac yng Ngholeg y Bedyddwyr, Caerdydd. Cyhoeddodd gyfrol o bregethau a gweithiau eraill nad oes iddynt werth parhaol. Bu farw yng Nghaerdydd 3 Ionawr 1905.

Awdur

Yr Athro Emeritus David Williams, (1900 - 1978)

Ffynonellau

South Wales Daily News, 4 Ionawr 1905

bywgraffiad gan Charles Davies yn *Y Geninen*, Mawrth 1907

gwybodaeth a roddwyd gan yr 'American Consulate,' Caerdydd

Dolenni Ychwanegol

Wikidata: [Q20748814](https://www.wikidata.org/wiki/Q20748814)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

